



Broj: 12/08-23-13494-6/21

Zenica, 05.11.2021. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-13494-5/21, od 04.11.2021. godine, u postupku javne nabavke po konkurentskom zahtjevu za usluge broj: 1417-7-2-50-3-32/21 od 11.10.2021. godine, direktor Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U postupku javne nabavke po konkurentskom zahtjevu za uslugu „Izrada Glavnih projekata sa prethodnim ispitivanjem nosivosti mostova označenih kao mostovi broj 02. (ST 1+344,00), broj 03. (ST 1+845,00) i broj 04. (ST 2+092,00), na regionalnoj cesti R457 Zenica-Arnauti-Ribnica-Donji Kakanj (spoj sa regionalnom cestom R-445), na dionici Zenica-Babino”, broj: 1417-7-2-50-3-32/21 od 11.10.2021. godine, ponuda ponuđača Centar za projektovanje i konsalting „CPK“ d.o.o. Banja Luka (broj: CPK-PO-1601-11/21 od 01.11.2021. godine) sa ukupno ponuđenom cijenom od 11.340,00 KM (bez uračunatog PDV-a) izabrana je kao najpovoljnija.

II

U skladu sa tačkom 2.6. tenderske dokumentacije, ponuđač Centar za projektovanje i konsalting „CPK“ d.o.o. Banja Luka (ID broj: 4404199850006), adresa Bulevar Desanke Maksimović 2, 78000 Banja Luka, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 2.3. Tenderske dokumentacije i to u roku od 3 (tri) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu izabranog ponuđača u slučaju da propusti blagovremeno dostaviti validne dokumente iz stava (1) ovog člana.

U skladu sa članom 89. stav (3) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Ugovor sa najpovoljnijim ponuđačem iz člana I i II ove Odluke.

III

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

IV

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-13494/21 od 07.10.2021. godine. Javna nabavka provedena je po konkurentskom zahtjevu za radove u skladu sa članovima 87-89. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-7-2-50-3-32/21 objavljeno je na Portalu javnih nabavki 11.10.2021. godine.

Komisija za javne nabavke imenovana rješenjem broj: 12/08-23-13494-3/21 od 03.11.2021. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristigla je samo 1 (jedna) ponuda.

Na dan javnog otvaranja pristiglih ponuda, 04.11.2021. godine, Komisija je pregledala dostavljenu ponudu u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Pristigla ponuda ponuđača „CPK“ d.o.o. Banja Luka ispunjava postavljene uslove iz Tenderske dokumentacije, a s obzirom na odredbe člana 2. stav (3) Pravilnika o uslovima i načinu korištenja e-aukcije („Službeni glasnik BiH“ broj 66/16) u ovom postupku javne nabavke nije provedena e-aukcija.

U skladu sa tačkom 6. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje kako slijedi:

Rbr	Ponuđač	Ukupna cijena ponude bez PDV-a
1.	Centar za projektovanje i konsalting „CPK“ d.o.o. Banja Luka	11.340,00 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o izboru najpovoljnije ponude za ponuđača Centar za projektovanje i konsalting „CPK“ d.o.o. Banja Luka. Ugovorni organ prihvatio je preporuku Komisije za javnu nabavku da se najpovoljnijem ponuđaču, Centar za projektovanje i konsalting „CPK“ d.o.o. Banja Luka, dodijeli Ugovor za uslugu „Izrada Glavnih projekata sa prethodnim ispitivanjem nosivosti mostova označenih kao mostovi broj 02. (ST 1+344,00), broj 03. (ST 1+845,00) i broj 04. (ST 2+092,00), na regionalnoj cesti R457 Zenica-Arnauti-Ribnica-Donji Kakanj (spoj sa regionalnom cestom R-445), na dionici Zenica-Babino“. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 5 (pet) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda sa preporukom

Dostavljeno:

1 x ponuđaču,

1 x a/a



Saglasan: ARNEL ISAK, ministar

Obradio:

Elmedin Bašić